

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**GRAD BOSANSKA KRUPA**  
**GRADSKI ORGAN UPRAVE**  
Broj: **07-11-5-3309/23**  
Dana: **9.6.2023.godine**

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), u otvorenom postupku nabavke usluga- Izrada idejnog i glavnog projekta uređenja javnih površina u ulici Čaršija i dijelu ulice Novo naselje u Bosanskoj Otoci, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

### **ODLUKU**

#### **o izboru najpovoljnijeg ponuđača**

1. Prihvata se ponuda ponuđača **„INDUSTROPROJEKT“ a.d.Prijedor** u predmetu nabavke usluga: Izrada idejnog i glavnog projekta uređenja javnih površina u ulici Čaršija i dijelu ulice Novo naselje u Bosanskoj Otoci, **sa cijenom u ukupnom iznosu 3.890,00 KM bez PDV-a, odnosno 4.551,30 KM sa PDV- om .**
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke.
3. Po konačnosti ove odluke sa izabranim ponuđačem potpisat će se ugovor o izvođenju usluga - Izrada idejnog i glavnog projekta uređenja javnih površina u ulici Čaršija i dijelu ulice Novo naselje u Bosanskoj Otoci.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-3309/23 od 25.4.2023. godine. Javna nabavka je provedena putem otvorenog postupka- Izrada Izrada idejnog i glavnog projekta uređenja javnih površina u ulici Čaršija i dijelu ulice Novo naselje u Bosanskoj Otoci. Obavještenje o nabavci broj: 1272-1-2-49-3-46/23 od 25.4.2023. godine - objavljeno na portalu JN (TD preuzelo ukupno 22 ponuđača) i u Službenom glasniku BiH, broj: 30/23 od 28.4.2023. godine.

Po objavljenom obavještenju rok za prijem ponuda je bio 16.5.2023. godine do 12:00 sati. Do označenog roka za prijem ponuda na protokol Ugovornog organa pristiglo je pristiglo je ukupno 5 (pet) ponuda, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. **Studio „DVA“ d.o.o. Sarajevo**, broj protokola: 07-11-5-3309-2/23, zaprimljena dana 12.5.2023. godine u 15:02 sati
2. **„EDI-ING“ d.o.o. Donji Vakuf**, broj protokola: 07-11-5-3309-3/23, zaprimljena dana 15.5.2023. godine u 9:06 sati
3. **„INDUSTROPROJEKT“ A.D. Prijedor**, broj protokola: 07-11-5-3309-4/23, zaprimljena dana 15.5.2023. godine u 15:30 sati
4. **„URBIS CENTAR“ d.o.o. Banja Luka**, broj protokola: 07-11-5-3309-5/23, zaprimljena dana 16.5.2023. godine u 11:26 sati
5. **Centar za projektovanje i konsalting „CPK“ d.o.o. Banja Luka**, broj protokola: 07-11-5-3309-6/23, zaprimljena dana 16.5.2023. godine u 11:27 sati

Komisija za provođenje postupka javne nabavke je u skladu sa tenderskom dokumentacijom dana 16.5.2023. godine u 12,30 sati izvršila javno otvaranje ponuda i na zapisnik konstatovala:

1. **Studio „DVA“ d.o.o. Sarajevo**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **7.200,00 KM bez PDV**, popusta nema  
PDV **1.224,00 KM**  
ukupna cijena za ugovor: **8.424,00 KM sa PDV- om**
2. **„EDI-ING“ d.o.o. Donji Vakuf**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **6.000,00 KM bez PDV**, popusta nema  
PDV **1.020,00 KM**  
ukupna cijena za ugovor: **7.020,00 KM sa PDV- om**
3. **„INDUSTROPROJEKT“ A.D. Prijedor**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **3.890,00 KM bez PDV**, popusta nema  
PDV **661,30 KM**  
ukupna cijena za ugovor: **4.551,30 KM sa PDV- om**
4. **„URBIS CENTAR“ d.o.o. Banja Luka**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **9.000,00 KM bez PDV**, popusta nema  
PDV **1.530,00 KM**  
ukupna cijena za ugovor: **10.530,00 KM sa PDV- om**
5. **Centar za projektovanje i konsalting „CPK“ d.o.o. Banja Luka**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **5.760,00 KM bez PDV**, popusta nema  
PDV **979,20 KM**  
ukupna cijena za ugovor: **6.739,20 KM sa PDV- om**

Na nastavku sastanka Komisija za provođenje postupka javne nabavke je izvršila evaluaciju dostavljenih ponuda i konstatovala da su ponude ponuđača **„EDI-ING“ d.o.o. Donji Vakuf**, **„INDUSTROPROJEKT“ A.D. Prijedor**, **„URBIS CENTAR“ d.o.o. Banja Luka** i **„CPK“ d.o.o. Banja Luka** **potpune, ispravne u formalno-pravnom smislu** (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), kao i da računskih grešaka nije bilo.

Komisija je konstatovala da ponuda ponuđača **Studio „DVA“ d.o.o. Sarajevo** **nije pripremljena u skladu sa tenderskom dokumentacijom**, odnosno da nije dokazao Tehničku i profesionalnu sposobnost kako je traženo tačkom 13. tenderske dokumentacije: *„...da je u posljednje 3 godine imao uspješno realizovan najmanje 1 (jedan) ugovor na uslugama koji su u vezi sa predmetnom nabavkom (usluge izrade projektno-tehničke dokumentacije iz oblasti niskogradnje) u vrijednosti od najmanje 9.000,00 KM bez PDV-a;...”*

Kao dokaz tehničke i profesionalne sposobnosti tražen je Spisak izvršenih ugovora u skladu sa članom 48. stav 2. ZJN o izvršenim uslugama koje su u vezi sa predmetnom nabavkom te uz spisak obavezno dostaviti i potvrde o urednom izvršenju ugovora.

Ponuđač Studio „DVA“ d.o.o. Sarajevo dostavio je Potvrdu izdanu od Centra za projektovanje i konsalting „CPK“ d.o.o. Banja Luka, broj: 123-2/23 od 13.2.2023. godine kojom se potvrđuje uredno izvršenje ugovora vrijednosti 6.100,00 KM. Također je dostavljena Izjava ponuđača o predanom zahtjevu i specifikaciji usluga od 8.5.2023. godine i Zahtjev za potvrdu o uspješno realizovanom ugovoru podnesen 14.12.2022. godine. U tački 13. tenderske dokumentacije stoji da:

*„U slučaju da se takva ponuda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočenje dokaza o učinjenim pokušajima da se takve potvrde osiguraju. Ukoliko ponuđač uz izjavu o urednom*

*izvršenju ne dostavi dokaz o učinjenim pokušajima da se takve potvrde osiguraju, ugovorni organ će takvu ponudu odbiti kao neprihvatljivu.“*

Komisija je stala da ponuđač nije dokazao tehničku i profesionalnu sposobnost jer nije dostavio potvrde o uredno izvršenih ugovorima u minimalnom iznosu 9.000,00 KM bez PDV-a niti je dokazao da je više puta pokušao da osigura potvrdu o urednom izvršenju ugovora za koji je dao izjavu o predanom zahtjevu za izdavanje potvrde te da se iz spiska i izjave ne može utvrditi da je to baš taj ugovor niti šta je projektom tačno rađeno (u spisku pod r.br. 24. naveden je kao tip projekta „Projekat uklanjanja ruševnih dijelova objekata KCUS-a na lokaciji Jezero“, KCUS, godina 2021, projekat uklanjanja 5 objekata i vrijednost 9.225,00 KM, dok broj ugovora nije naveden; u izjavi stoji da su izradili i projektnu dokumentaciju koja se odnosi i na izradu projektne dokumentacije koja se odnosi na vanjsko uređenje prostora stare pedijatrije na lokaciji Jezero; nisu dostavljeni dokazi da je više puta pokušano da se pribavi potvrda od ugovornog organa KCUS nego je dostavljen samo jedan zahtjev za potvrdu o uspješno realizovanom ugovoru od 15.12.2022. godine).

Komisija je predložila ugovornom organu da ponudu ponuđača Studio „DVA“ d.o.o. Sarajevo odbaci u smislu člana 68. stav (4) tačka i) Zakona o javnim nabavkama.

Komisija je konstatovala da je prvorangirana prihvatljiva ponuda ponuđača „INDUSTROPROJEKT“ A.D. Prijedor u visini 4.551,30 KM sa PDV-om, a drugorangirana je ponuda ponuđača Centar za projektovanje i konsalting „CPK“ d.o.o. Banja Luka u visini 6.739,20 KM sa PDV-om. Stav Komisije je da, u smislu člana 17. tačka (7) Uputstva za pripremu modela tenderske dokumentacije i ponuda, ugovorni organ obavezno od prvorangiranog ponuđača „INDUSTROPROJEKT“ A.D. Prijedor traži pojašnjenje cijene ponude jer ista ima elemente neprirodno niske, tj. ista je za više od 20% (tačnije 32,46%) niža od cijene drugorangirane prihvatljive ponude Centar za projektovanje i konsalting „CPK“ d.o.o. Banja Luka.

Ugovorni organ je dana 7.6.2023. godine, putem e-maila, uputio ponuđaču „INDUSTROPROJEKT“ A.D. Prijedor zahtjev za pojašnjenje cijene ponude. Ponuđač „INDUSTROPROJEKT“ A.D. Prijedor je putem e-maila dostavio obrazloženje cijene ponude. Komisija je na sastanku dana 8.6.2023. godine razmatrala dostavljeno obrazloženje cijene ponude i isto prihvatila.

Konstatovano je da je procijenjena vrijednost predmetne nabavke 9.000,00 KM bez PDV-a odnosno 10.530,00 KM sa PDV-om.

Obzirom da je za predmetni postupak javne nabavke kao kriterij za dodjelu ugovora predviđena „najniža cijena“, da je cijena ponuđača „INDUSTROPROJEKT“ a.d.Prijedor sa iznosom od 3.890,00 KM bez PDV-a, odnosno 4.551,30 KM sa PDV-om najniža cijena, kao i da je ista u okviru procijenjene vrijednosti predmetne nabavke, Komisija je predložila Ugovornom organu da donese Odluku o izboru najpovoljnijeg ponuđača „INDUSTROPROJEKT“ a.d.Prijedor i zaključi Ugovor.

S obzirom da je kriterij za dodjelu ugovora „najniža cijena tehnički zadovoljavajuće ponude,“ i da je cijena ponuda ponuđača „INDUSTROPROJEKT“ a.d.Prijedor prvorangirana i da je u okviru procijenjene vrijednosti predmetne nabavke, Ugovorni organ je prihvatio prijedlog Komisije i odlučio kao u dispozitivu odluke.

### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

**GRADONAČELNIK**

Armin Halitović

Dostavljeno:

1. INDUSTROPROJEKT“ a.d.Prijedor putem e-maila
2. „EDI-ING“ d.o.o. Donji Vakuf, putem e-maila
3. „CPK“ d.o.o. Banja Luka, putem e-maila
4. d.o.o. „URBIS CENTAR“ Banja Luka putem e-maila
5. Studio „DVA“ d.o.o. Sarajevo putem e-maila
6. U spis
7. a/a